

Domini nostri Iesu Christi
Summo et Aeterno Sacerdote

festum

Acknowledgements

For use in the Dioceses of England & Wales approved by the Catholic Bishops' Conference of England & Wales and Confirmed by the Apostolic See (Prot. N. 83/13/L, 23 February 2013, Prot. N. 144/17, 22 February 2018)

Concordat cum original: Martin Foster

Imprimatur: ✠ George Stack, Archbishop of Cardiff, 18 April 2018

Latin text copyrighted by Libreria Editrice Vaticana.

Compilation, typographical design and layout © 2018 Catholic Bishops' Conference of England and Wales.

Domini nostri Iesu Christi
Summo et Aeterno Sacerdote

Decretum	
Officium Divinum	1
Lectionarium	8
Missale Romanum	11
Martyrologium Romanum	13



CONGREGATIO DE CULTU DIVINO ET DISCIPLINA SACRAMENTORUM

Prot. N. 1040/11/L

DECRETUM

Quo efficacius gratia anni sacerdotalis super populum Dei perseveret in tempore, Summus Pontifex BENEDICTUS XVI formularia liturgica pro celebratione Domini nostri Iesu Christi Summo et Aeterno Sacerdote benigne disposuit apparandos, ut ad usum singularum Conferentiarum Episcoporum, quae petent, praeberentur.

Haec porro Congregatio de Cultu Divino et Disciplina Sacramentorum, vigore peculiarium facultatum ab eodem Summo Pontifice ad hoc tributarum, textum latinum Missae, Liturgiae Horarum et Martyrologii Romani de DOMINO NOSTRO IESU CHRISTO SUMMO ET AETERNO SACERDOTE, prout in adiecto exstat exemplari, libenter probat et typicum esse declarat.

Contrariis quibuslibet minime obstantibus.

Ex aedibus Congregationis de Cultu Divino et Disciplina Sacramentorum, die 23 mensis Iulii anno 2012.

✠ Antonius Card. CAÑIZARES LLOVERA
Praefectus

R.D. Ioannes Michaël FERRER GREDESCHE
Subsecretarius



Prot. N. 83/13/L

DIOCESIUM ANGLIAE ET CAMBRIAE

Instante Excellentissimo ac Reverendissimo Domino Vincentio Nichols, Archiepiscopo Vestmonasteriensi, Conferentiae Episcoporum Angliae et Cambriae Praeside, litteris die 11 mensis decembris 2012 datis, vigore facultatum huic Congregationi a Summo Pontifice BENEDICTO XVI tributarum, perlibenter concedimus, ut celebratio Domini nostri Iesu Christi Summi et Aeterni Sacerdotis in Calendaria propria diocesium Angliae et Cambriae inseri valeat, gradu festi quotannis feria V post Pentecosten peragenda.

Contrariis quibuslibet minime obstantibus.

Ex aedibus Congregationis de Cultu Divino et Disciplina Sacramentorum, die 25 mensis februarii 2013.

✠ Antonius Card. CAÑIZARES LLOVERA
Praefectus

✠ Arturus ROCHE
Archiepiscopus a Secretis

Prot. N. 144/17

ANGLIAE ET CAMBRIAE

Instante Eminentissimo Domino Vincentio Cardinali Nichols, Archiepiscopo Vestmonasteriensi, Conferentiae Episcoporum Angliae et Cambriae Praeside, litteris die 21 mensis februarii 2017 datis, vigore facultatum huic Congregationi a Summo Pontifice FRANCISCO tributarum, textum *anglicum* Missae cum lectionibus necnon Divini Officii pro celebratione festi Domini nostri Iesu Christi, Summi et Aeterni Sacerdotis, prout in adiecto exstat exemplari, perlibenter confirmamus.

In textu imprimendo mentio fiat de confirmatione ab Apostolica Sede concessa.

Fiusdem insuper textus impressi duo exemplaria ad hanc Congregationem transmittantur.

Contrariis quibuslibet minime obstantibus.

Ex aedibus Congregationis de Cultu Divino et Disciplina Sacramentorum, die 22 mensis februarii 2018, in festo Cathedrae S. Petri, Apostoll.

✠ Robertus Card. SARAH
Praefectus

✠ Arturus ROCHE
Archiepiscopus a Secretis



CATHOLIC BISHOPS' CONFERENCE
OF ENGLAND & WALES

DECREE OF PUBLICATION

In accord with the norms established by decree of the Sacred Congregation of Rites in Cum, nostra aetate (27 January 1966) and of the Congregation for Divine Worship and the Discipline of the Sacraments in Liturgiam authenticam (28 March 2001), the text of the Mass with readings and of the Divine Office for the celebration of the feast of Our Lord Jesus Christ, the Eternal High Priest is declared to be the vernacular typical edition of the Domini nostri Iesu Christi, Summi et Aeterni Sacerdotis, and is published by authority of the Catholic Bishops' Conference of England and Wales.

The insertion of the celebration of Our Lord Jesus Christ, the Eternal High Priest into the proper Calendar of England and the proper Calendar of Wales with the rank of Feast on the Thursday after Pentecost was canonically approved for use by the Catholic Bishops' Conference of England and Wales on 15 November 2012, and was subsequently granted by the Apostolic See by decree of the Congregation for Divine Worship and the Discipline of the Sacraments on 25 February 2013 (Prot. n. 83/13/L).

The text of the Mass with readings and of the Divine Office for the celebration of the feast of Our Lord Jesus Christ, the Eternal High Priest was canonically approved for use by the Catholic Bishops' Conference of England and Wales on 17 November 2016, and was subsequently confirmed by the Apostolic See by decree of the Congregation for Divine Worship and the Discipline of the Sacraments on 22 February 2018 (Prot. n. 144/17).

The feast of Our Lord Jesus Christ, the Eternal High Priest is to be celebrated on the Thursday after Pentecost with the approved liturgical texts in the dioceses of the England and Wales from Pentecost, 20 May 2018.

Given at the General Secretariat of the Catholic Bishops' Conference of England and Wales, London, on 19 March 2018, the Solemnity of St Joseph, Spouse of the Blessed Virgin Mary.

✠ VINCENT Cardinal NICHOLS
Archbishop of Westminster

President, Catholic Bishops' Conference of England and Wales

REVEREND CHRISTOPHER THOMAS
General Secretary

OFFICIUM DIVINUM
LITURGIA HORARUM

Feria V post Pentecosten

DOMINI NOSTRI IESU CHRISTI
SUMMI ET ÆTERNI SACERDOTIS

Festum

Ad Invitorium

Ant. Christo qui sempiternum habet sacerdotium, glóriam reddámus

Psalmus invitatorius, ut in Ordinario.

Ad Officium lectionis

HYMNUS

Póntifex Iesu, mediátor une
ad thronum Patris precibúsque fautor,
iure conclámat celebrátque nostrum
te genus omne.

Spíritu factus grémio puéllæ
tu puer, cuius tenet ulna mundum,
natus es nobis bene digna sola
hóstia laudis.

Te sacerdotem Pater ipse sancti
gáudii donis oleóque inúnxit,
summa maiéstas sibi ut usque ferret
culmen honóris.

Carne mortáli, Deus alte, sumpta,
sánguinis præbens decus et lavácrum,
iusta pro nostræ prétia obtulísti
crímine mortis.

Christe, qui ligno crucis elevátus
cuncta traxísti, corda amóre fígens,
fac tibi, Patri, Parácleto in ævum
cántica demus. Amen.

PSALMODIA

Ant. 1 Postulávi Patrem meum; dedit mihi gentes in hereditátem.

Psalmus 2

Ant. 1 Postulávi Patrem meum; dedit mihi gentes in hereditátem.

Ant. 2 Exhibéte córpora vestra hóstiam vivéntem, sanctam, Deo placéntem.

Psalmus 39:2-13

Ant. 2 Exhibéte córpora vestra hóstiam vivéntem, sanctam, Deo placéntem.

Ant. 3 Christus diléxit Ecclésiám et seípsum trádidit pro ea, ut illam sanctificáret.

Psalmus 84

Ant. 3 Christus diléxit Ecclésiám et seípsum trádidit pro ea, ut illam sanctificáret.

℟: Christus unam pro peccátis obtulit hóstiam.

℣: Et consummávit in sempitérnum sanctificátos.

LECTIO PRIOR

4:14-16; 5:1-10

De Epístola ad Hebráeos

Iesus, Pontifex magnus

RESPONSORIUM

Phil 2:8; Is 53:7

℟: Christus humiliávit semetípsum, * Factus oboédiens usque ad mortem.

℣: Oblátusest quia ipse voluit. * Factus oboédiens.

LECTIO ALTERA

Ex Litteris Encyclicis «Mediátor Dei» Pii Papæ duodécimi.

(AAS 39 [1947], 552-553)

Christus sacerdos et victim

Christus útique sacérdos est, sed nobis non sibi sacérdos, cum vota religionísque sensus totíus humáni géneris nómine æténo Patri déferat; idem páriter víctima est, sed nobis, cum semetípsum in vicem hóminis culpis obnoxii repónat. Iamvéro illud Apóstoli «hoc... sentíte in vobis quod et in Christo Iesu» a cristiánis ómnibus póstulat, ut eo modo ánimum in se réferant afféctum, quantum humana potest facultas, quo divíni Redemptóris ánimus afféctus erat, cum sui ipsíus faciébat Sacrificium; húmílem nempe réferant mentis demissionem, summáque Dei Maiestátis adoratióem adhibeant, honórem, laudem gratiarúmque actióem. Póstulat prætérea ab íisdem ut víctimæ conditióem quodámmodo sumant, ut semetípsos ad Evangélii præcépta abnégent, ut pæniténtiæ ultro libentérque dent óperam, utque admíssa quisque sua detesténtur et éxpient. Póstulat dénique ut omnes una cum Christo mýsticam in Cruce mortem obeámus, ita quidem ut Pauli senténtiam usurpáre póssimus: «Christo confixus sum Cruci» (Gal 2, 19).

RESPONSORIUM

Cf. Gal 2:20

℟: In fide vivo Filii Dei * Qui diléxit me et trádidit semetípsum pro me.

℣: Vivo, autem iam non ego, vivit vero in me Christus. * Qui diléxit me.

HYMNUS, Te Deum

Oratio, ut ad Laudes matutinas.

Ad Laudes matutinas

HYMNUS

Cóncinunt caeli parilíque tellus
laude te, nostri géneris Redémptor,
Christe, te Patri pérhibens piáclum
Ipse sacérdos.

Tu libens, Iesu, voluísti
mortis angórem placidúsque ferri,
pérditis nobis iter ut patéret
portáque cæli.

ad atrae

Sacra tu delens veterúmque ritus
ac prophetárum moniménta adímplens,
iam cum summis novo amóre iungens
foedus inísti.

Foéderis tanti miserátus auctor,
te cibum vitæ tribuísti, ad aras
pignus ut pacis pius immoláres,
tu sacer unus.

Christe, qui ligno crucis elevátus
cuncta traxísti, corda amóre figens,
fac tibi, Patri, Parácleto in ævum
cántica demus. Amen.

Ant. 1 Pater per sánguinem crucis Christi, pacificávit sive quæ in terris, sive quæ in cælis sunt.

Psalmi et canticum de dominica hebd. I.

Ant. 2 Omnia per Christum et in Christo creáta sunt.

Ant. 3 Omnia subiécit sub pédibus eius et ipsum dedit Caput supra omnem Ecclésiám, quæ est Corpus ipsíus.

LECTIO BREVIS

Hebr 10:5-10

RESPONSORIUM BREVE

Ps 39:8-9

℟: Ecce vénio * ut fáciam voluntátemtuam. Ecce vénio ut fáciam.

℣: Lex tua est in præcórdiis meis. * Ut fáciam voluntátem tuam. Glória Patri. Ecce vénio.

Ad Benedictus, ant. Omnes unum sint, Pater, ut credat mundus, quia tu me misísti.

PRECES

Pater misericordiárum et Deus totíus consolatiónis, qui repleas beneficiis tuis omnes
accedéntes ad te: nos filii tui, hanc diem inchoántes, per Christum cum Ipso et in Ipso te
deprecámur:

Dómine, exáudi nos.

Iesu Christe, Fili Dei vivi,
— duc nos in lumen tuæ Veritátis.

Christe, Verbum Dei, qui es apud Patrem usque in sæculum,
— súscita in fidélibus tuis voluntátem Evangéllii nuntiáandi.

Iesu, Uncte a Patre in Spíritu Sancto,
— cónsecra Ecclésiám tuam in sanctitáte.

Christe, Póntifex Novi Testaménti,
— índue sacerdótes tua sanctitáte ad glóriam Patris.

Christe, Sapiéntia Dei, pax et reconciliátio nostra,
— fac ut omnes efficiámur concórdes et unánimes in Ecclésia tua.

Christe, Sacérdos Ætérne, Patris glorificátor,
— fac ut oblátio nostra in te reddátur laus ætérnæ glóriæ.

Pater noster.

ORATIO

Deus, qui ad maiestátis tuæ glóriam et géneris humáni salútem, Unigénitum tuum Summum atque Ætérnum constituísti Sacerdótem, præsta, ut, Spíritu Sancto largiénte, quos minístros et mysteriórum suórum dispensatóres elégit, in accépto ministério adimpléndo fidéles inveniántur. Per Dóminum.

Ad Horam mediam

Psalmi de die currente.

Ad Tertiam

Ant. Per Christum habemus accessum omnes in uno Spiritu ad Patrem.

LECTIO BREVIS

Hebr 7:26-27

- ℞. Communicantes Christi passionibus gaudete.
℣. Ut et in revelatione glorie eius gaudeatis exultantes.

Ad Sextam

Ant. Superædificati estis super fundamentum Apostolorum et Prophetarum, ipso summo angulari lapide Christo Iesu.

LECTIO BREVIS

1 Petr 2:4-5

- ℞. Sicut ergo accepistis Iesum Christum, Dominum, in ipso ambuláte.
℣. Radicati, et superædificati in ipso, et confirmati fide.

Ad Nonam

Ant. Unicuique nostrum data est gratia secundum mensuram donationis Christi, in ædificationem Corporis eius, quod est Ecclesia.

LECTIO BREVIS

1 Petr 2:9-10

- ℞. Pax Christi exsultet in cordibus vestris.
℣. In qua et vocati estis in uno corpore.

Oratio, ut ad Laudes matutinas.

Ad II Vesperas

HYMNUS

Ætérne, Christe, póntifex,
novi sacérdos foéderis,
te nostra vota cóndecent,
te grati amóris cántica.

E Patris aula pródiens,
nostri misértus críminis,
venis in alvum Vírginis,
egénus atque oboédiens.

Delens vetústa, et ómnia
in lumen aptans grátiaë,
a Patre digne ac Spírítu
princeps sacérdos úngeris.

Tu pura solus hóstia,
amóre fundis sánguinem,
donas amóre ut filii
iam pace Patris gáudeant.

Nostræ salúti iúgiter
te das in aris víctimam;
throno suprémó et ássides
perfécte ut unus ímpetres.

Sit, Christe, summe póntifex,
tibi Patrique glória,
qui vivis, offers, ímperas
in sempitérna sáecula. Amen.

Ant. 1 Iurávit Dóminus et non pænitébit eum: Tu es Sacérdos in ætérnum.

Psalm 109:1-5, 7

Ant. 1 Iurávit Dóminus et non pænitébit eum: Tu es Sacérdos in ætérnum.

Ant. 2 Deus, qui dives est in misericórdia, convivificávit nos in Christo.

Psalm 110

Ant. 2 Deus, qui dives est in misericórdia, convivificávit nos in Christo.

Ant. 3 Christus est imágo Dei invisíbilis primogénitus omnis creatúrae.

Canticle Col 1:12-20

Ant. 3 Christus est imágo Dei invisíbilis primogénitus omnis creatúrae.

LECTIO BREVIS

Hebr 10:19-23

RESPONSORIUM BREVE

Rom 5:1b-2b

℞. Pacem habeámus ad Deum * per Dóminum nostrum Iesum Christum. Pacem habeámus.
℣. Et gloriámur in spe glóriæ filiórum Dei. * Per Dóminum. Glória Patri. Pacem habeámus

Ad Magnificat, ant. Pater, ego pro eis rogo, quia tui sunt et pro eis sanctifico meípsum: ut sint et ipsi sanctificáti in Veritáte.

PRECES

Per Christum, vota nostra effundámus Deo Patri, qui ómnia voluntáte sua dírigit et benedícit omnes in Ipso confidéntes:

Exáudi nos, fidénter te rogámus.

Christe, qui es Verbum Patris,

— súggere lábiis nostris quod sumus oratúri.

Christe Sacérdos, qui es Panis Vitæ,

— fac ut elécti donum vivant próprii Sacerdótii, in te consummántes oblatiónem ipsórum..

Christe glorióse, qui intercédís semper apud Patrem pro nobis,

— fac nos fidéles in oratióne, ne deficiant operárii in messe tua.

Christe Dómine, qui es a Patre missus,

— da ut omnes invéniant in te vitam et viam Regni.

Christe, Fili Dei vivéntis, qui morte tua mortem devicísti,

— da ut oblátio extrémá nostrórum defunctórum tríbuat ipsis in glória gáudium sempitérnum.

Pater noster.

ORATIO

Deus, qui ad maiestátis tuæ glóriam et géneris humáni salútem, Unigénitum tuum Summum atque Ætérnum constituísti Sacerdótem, præsta, ut, Spíritu Sancto largiénte, quos minístros et mysteriórum suórum dispensatóres elégit, in accépto ministério adimpléndo fidéles inveniántur. Per Dóminum.

MISSALE ROMANUM
LECTIONARIUM

Feria V post Pentecosten

DOMINI NOSTRI IESU CHRISTI
SUMMI ET ÆTERNI SACERDOTIS

Festum

Anno A

LECTIO PRIMA

Sacrificium Patriarchæ nostri Abrahæ.

Léctio libri Génesis

22:9–18

Verbum Dómini.

VEL

In capitulo libri scriptum est de me, ut faciam, Deus, voluntatem tuam.

Léctio Epístolæ ad Hebræos

10:4–10

Verbum Dómini.

PSALMUS RESPONSORIUS

Ps 39:7-8a, 10-11ab, 17 (R̄. cf. 8a, et 9a)

R̄. Ecce vénio, Dómine, ut fáciam voluntátem tuam.

ALLELUIA

Phil 2:8–9

R̄. Alleluia.

Christus factus est pro nobis oboédiens usque ad mortem,
mortem autem crucis.

Propter quod et Deus exaltávit illum:
et dedit illi nomen, quod est super omne nomen.

R̄. Alleluia.

EVANGELIUM

Tristis est anima mea usque ad mortem.

✠ Léctio sancti Evangélii secúndum Matthæum

26:36-42

Verbum Dómini.

Anno B

LECTIO PRIMA

Feriam pactum novum ei peccati non memorabor.

Léctio libri Ieremíæ prophetæ

31:31-34

Verbum Dómini.

VEL:

LECTIO PRIMA

Consummavit in sempiternum eos qui sanctificantur.

Léctio Epístolæ ad Hebræos

10:11-18

Verbum Dómini.

PSALMUS RESPONSORIUS

Ps 109:1b-e, 2, 3 (℟: 4b)

℟: Tu es sacérdos in ætérnum secúndum órđinem Melchisedech.

ALLELUIA

Hebr 5:8-9

℟: Alleluia.

Cum esset Fílius,
dídicit ex his, quæ passus est, obœdiéntiam;
et, consummátus, factus est ómnibus obœdiéntibus sibi
auctor salútis æternæ.

℟: Alleluia.

EVANGELIUM

Hoc est corpus meum. Hic est sanguis meus.

✠ Léctio sancti Evangéllii secúndum Marcum

14:22-25

Verbum Dómini.

Anno C

LECTIO PRIMA

Sanctus, Sanctus, Sanctus, Dominus exercituum.

Léctio libri Isaíæ prophétæ

6:1-4, 8

Verbum Dómini.

VEL:

LECTIO PRIMA

Qui sanctificat et qui sanctificantur, ex uno omnes.

Léctio Epístolæ ad Hebræos

2:10-18

Verbum Dómini.

PSALMUS RESPONSORIUS

Ps 22:2-3, 5, 6 (R̄1)

R̄. Dóminus pascit me et nihil mihi déerit.

ALLELUIA

Ez 36:25a, 26a

R̄. Alleluia.

Effúndam super vos áquam mundam
 et dabo vobis cor novum
 et spíritum novum ponam in médio vestri.

R̄. Alleluia.

EVANGELIUM

Pro eis ego sanctifico meipsum, ut sint et ipsi sanctificati in veritate.

✠ Léctio sancti Evangélii secúndum Ioánnem

17:1-2, 9, 14-26

Verbum Dómini.

MISSALE ROMANUM
PROPRIUM DE TEMPORE

Feria V post Pentecosten

DOMINI NOSTRI IESU CHRISTI
SUMMI ET ÆTERNI SACERDOTIS

Festum

Ant. ad introitum

Cf. Hebr 7:24; 9, 15

Christus, Mediátor novi testaménti
eo quod máneat in ætérnum,
sempitérnum habet Sacerdótium.

Dicitur Glória in excelsis.

Collecta

Deus, qui ad maiestátis tuæ glóriam et géneris humáni salútem,
Unigénitum tuum Summum atque Ætérnum constituísti Sacerdótem,
præsta, ut, Spíritu Sancto largiénte,
quos minístros et mysteriórum suórum dispensatóres elégit,
in accépto ministério adimpléndo fidéles inveniántur.
Per Dóminum nostrum.

Super oblata

Hæc múnera, Dómine,
Mediátor noster Iesus Christus tibi reddat accépta
et nos, una secum, hóstias tibi gratas exhíbeat.
Qui tecum vivit..

Præfatio: De sacerdotio Christi et Ecclesiae

℞. Dóminus vobíscum.

℣. Et cum spírítu tuo

℞. Sursum corda.

℣. Habémus ad Dóminum.

℞. Grátias agámus Dómino Deo nostro.

℣. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:

Qui Unigénitum tuum Sancti Spírítus unctióne
novi et ætérni testaménti constituísti Pontíficem,
et ineffábili dignátus es dispositióne sancíre,
ut únicum eius sacerdotium in Ecclésia servarétur.

Ipse enim non solum regáli sacerdotio
pópulum acquisitionis exórnat,
sed étiam fratérna hómines éligit bonitáte,
ut sacri sui ministérii fiant mánuum impositióne partícipes.

Qui sacrificium rénovent, eius nómine, redemptionis humánæ,
tuis apparántes filiis paschále convívium,
et plebem tuam sanctam caritáte prævéniant,
verbo nútriant, refíciant sacraméntis.

Qui, vitam pro te fratrumque salúte tradéntes,
ad ipsíus Christi nitántur imáginem conformári,
et constánter tibi fidem amorémque testéntur.

Unde et nos, Dómine, cum Angelis et Sanctis univérsis
tibi confitémur, in exsultatióne dicéntes:

Sanctus, Sanctus, Sanctus Dóminus Deus Sábaoth...

Ant. ad communionem

Mt 28:20

Et ecce ego vobíscum sum ómnibus diébus,
usque ad consummationem sáeculi.

Post communionem

Vivíficet nos, quáesumus, Dómine,
divína quam obtúlimus et sumpsimus hóstia,
ut, perpétua tibi caritáte coniúnci,
fructum, qui semper máneat, afferámus.
Per Christum.

MARTYROLOGIUM ROMANUM

11. *Feria V post Pentecosten*

Festum Dómini nostri Iesu Christi, Summi et Aetérni Sacerdótis, secúndum órđinem Melchisedech, in quo ab inscrutábili aevo Patri compláuit, qui Mediátor Dei et hóminum, patérnam voluntátem adímplens, in ara crucis seípsum Hóstiam toti mundo salutárem semel immolávit. Formam sacrificii perénnis sic instítuens, inter filios Adae fratérna éligit bonitáte hómines sacerdotio augéndos quátenus ex sacrificio incessánte in Ecclésia renováto flúmina virtútis divínae manárent, quibus novum caelum nováque terra efficeréntur, et in universórum latitúdine complerétur quod óculus non vidit nec áuris audívit nec in cor hóminis ascéndit.

17. *Feria V post Pentecosten: Domini nostri Iesu Christi, Summi et Aeterni Sacerdotis* [Heb 9: 24-25](#)

Verbum Dómini.

℟. Deo grátias.